

江油縣志卷之十一

風俗志

江油俗號敦龐力田孝弟前代已然迄今文明漸啟士則講求經術兼究中西實學農工商賈莫不勤於執業舊時婦女多績麻紡綿近十年來洋線盛行紡績漸廢然尙勤蠶事春夏間桑柘成陰提筐盈路極貧者則織屨以佐其夫或編草爲帽市之

一飲食以紅梁釀者曰燒酒以糯米釀者曰甜酒又有啞酒黃酒老酒之名食則以稻或食黃梁

一衣服民風久安樸素衣裘帛者百之二三餘皆終歲布衣其色多藍婦女亦儉約惟宴會則好爲麗都然亦稱家有無不尙靡侈

一冠婚俗無冠禮間有秉禮者行之婚禮則有開庚插香報期過禮諸名亦有從簡者娶時鼓樂輿馬以媒妁往迓不親迎有幼女養於姑家謂之小引及期完配謂之梳頭多係貧家

一喪祭富者酌照文公家禮不豐不儉始則飯僧作佛事安厝之前二日會吊刻木爲主延文人有德者硃筆加點以爲光榮葬用灰椁石椁木椁亦重地師三年除服歲時祭享清明上塚中元燒包

一祈禳凡病家延巫道設香楮酒穀誦北斗蓮華藥師諸經謂之禳星用桃木書符謂之壓鬼巫覡統號端公小禳爲送花船大禳爲打保符及冬慶壇渾如戲劇故俗稱春戲子臘端公邑令彭陟竹枝詞有端公打鼓鬧二更之句陋俗相沿固已久矣

一歲時民間最重元旦未明以前焚香楮列肴果祀祖出門向喜神方叩拜或往神廟行香籠燭前導返則闔門待旦謂之閉財門是日祇拜父兄宗族初二日後始拜親友多者數十爲羣沿門稱賀是爲大拜年以肉麪果餅相餽送元宵前後必有龍燈獅燈諸雜劇爆竹聲絡

繹不絕簫鼓嗷嘈遊人甚夥如見太平景象二月初邀飲春酒迭爲賓主寺觀中或建醮誦經或演二郎神捉孽龍戲劇皆以驅瘟祈福三月清明上墓各爲黃白紙錢竿標隴首謂之墳飄子新塚未三年者必於春社以前祭掃四月八日有放生嫁毛蟲諸事五月端午懸艾葉菖蒲於門食角黍飲雄黃酒午後士女出遊龍舟競渡縣城東關外西坪渡及中壩場渡口尤盛六月六日農家皆賽青苗土地祈穀或扮影戲爲樂燕飲醉飽亦一日之澤也又於是日曝衣七夕乞巧亦於此日曝衣故有鵲辭穿綫樹花映曝衣樓之句今俗謂之掐巧芽

中元祀祖燒冥鏹紙錢無算寺廟中有延僧爲盂蘭會者八月中秋居人以果餅祭月鄉村收穫畢者少休息燕飲爲樂祠廟鐘聲倍常清越重九日文人輒攜酒肴登山浮白拈韻分題極一日樂田家於是日釀酒曰重陽酒隔年宴客以爲美十月初一日鄉人釀金爲牛王會演戲以答神貺十一月冬至爲長至節鄉俗不重惟以十九日爲太陽生辰各剝諷佛唸經鄉人亦虔禮敬祀十二月八日食臘八粥今俗盛行舊志謂間有行者二十四日祭竈張燈燭設果餅供奉鄉村或於二十三日祭有衿三民四之謠除夕祭祖後家人聚食謂之團年張琴作秀才時竹枝詞云我說團年團未盡家家兒婦避阿翁是夜燈燭輝煌爆竹聲不絕無論貧富男女各自圍鑪終夜名曰守歲俗稱三十夜火月半燈此之謂也舊志云門貼新聯家換桃符之帖戶陳春酒人醉夕陽之天情景如昨

鄉飲酒禮

國朝順治元年定京府及直省府州縣每歲於正月十五日十月初一日舉行乾隆二十七年議准嗣後凡鄉飲賓內除貢監生已經考職候選者准其照應選之職服用頂帽補褂外其餘監生用金雀頂青袍藍邊生員銀

雀頂藍袍青邊至於耆民本無品級應穿用鮮明常服
不得濫用金頂補服

附列鄉飲耆民姓氏

先仕奇 石維圖 何光朝 張朝爵 戴君祿

以上五人乾隆五十二年舉報

恩賜有差

敬文崇 羅其瑤 涂有璋 程世偉 申秉南

何爾珏

以上六人嘉慶元年舉報

恩賜有差

江油縣志

卷十一 風俗

四

李 臺 陳英玉 楊登朝 謝魁元 張文利

楊再義 卿及聯 石鍾美 陳賢勳 任芝佐

李國華 陳 琇 任芝相 鄭集禮 許名魁

羅 靈 李大綸 竇 瑄 馬慶雲 王 鑑

以上二十人嘉慶十四年舉報

恩賜有差

宋福來 吳梓英 申啟麟 楊國輔 郭秉智

廖瓊琇 吳集思 廖瓊高 笄芝棟 雍中科

郭良棟 何安達 李家彩 周國智 薛茂魁

徐縉公 楊廷秀 石鍾富 杜清泰 楊大榮

熊卜選 段洪榮 羅維宇 沈宗韶 張遵道
李 華 成洪倫 王 業 羅士顯 龔勝如
張洪範 楊名煥 段洪萬 羅于陸 蔡允鳳
以上三十五人嘉慶二十四年舉報

恩賜有差

趙 珽 張元茂 笄福元 饒 誌 趙玉清
李天楷 謝中學 王者臣 張邦傑 劉洪祖
任芝達 徐紳公 文天生 羅從玉 郭元士
羅啟友 王觀政 羅年爵 謝家槐 趙德新
嚴希堯

江油縣志

卷十一 風俗

五

以上二十一人道光二年舉報

恩賜有差